

ҚАЗАҚСТАН РЕСПУБЛИКАСЫ
Жамбыл облысы әкімдігінің
дене шынықтыру және
спорт басқармасы
«Тараз» кәсіпқой футбол клубы»
коммуналдық мемлекеттік
қазыналық кәсіпорыны



РЕСПУБЛИКА КАЗАХСТАН
Коммунальное государственное
казенное предприятие
«Профессиональный футбольный
клуб «Тараз» управления
физической культуры и спорта
акимата Жамбылской области

080000, Тараз қаласы, Абай даңғылы, 113
тел./факс: 8 (7262) 43-10-92
E-mail: fc_taraz@mail.ru

080000, город Тараз, проспект Абая, 113
тел./факс: 8 (7262) 43-10-92
E-mail: fc_taraz@mail.ru

№ _____

**Жамбыл облысы әкімдігі дене шынықтыру және спорт басқармасының
"Тараз" кәсіби футбол клубы коммуналдық мемлекеттік қазыналық
кәсіпорны басшысының төрағалығымен өткен кеңестің**

№ 5 хаттамасы

20 желтоқсан 2023 ж., сағ.11.00

Тараз қаласы

Өтетін орны: Орталық стадион.

Қатысты:

Кеңес төрағасы: "Тараз" КФК-ің спорт жөніндегі директор
Г.Е.Қазбеков

Хатшы: Әдіскер методист И. Д.Сайлаубаева

Кадр ісі жөніндегі инспекторы: К.Т.Накипбекова

Қауіпсіздік бойынша инспекторы: С.С.Кенжебаев

Жанкүйерлермен жұмыс жөніндегі менеджер: О. Б.Абдалиев

КФК-ің менеджер: М.Тасжуреков

Күн тәртібі.

1. Сыбайлас жемқорлықпен күрес – қоғам талабы

Сөз сөйледі: кадр ісі жөніндегі инспектор К.Т.Накипбекова

Сыбайлас жемқорлыққа қарсы күрес – мемлекетіміздің бірден-бір қолға алған факторларының бірі. Оның алдын алу үшін көптеген іс-шаралар қолданылып, атқарылған жұмыс аз емес.

Қазақстан Республикасының Президенті Қасым-Жомарт Тоқаев өз сөзінде: «Өкінішке қарай, сыбайлас жемқорлық әлі де біздің қоғамның ауыр

000433

дерті болып отыр. Сыбайлас жемқорлық мемлекеттердің көпшілігінде бар. Қазақстан да одан сырт қалған жоқ. Онымен қалай күресіп жатыр немесе қалай әшкерелеп отыр – ол басқа мәселе», деп атап өтті.

Қазіргі таңда сыбайлас жемқорлық ауқымдылығына ғана байланысты ерекшеленеді.

Сыбайлас жемқорлықпен күрес – қоғам талабы. Мінсіз қоғам – жемқорлықсыз қоғам, салауатты өмір – паракорларсыз өмір, мықты мемлекет – жемқорларсыз мемлекет. Еліміз елу елдің қатарына ену үшін аяқ басқанда айналамызды ашкөз алаяқтардан аластап, қоғамды тазарту – азаматтық міндетіміз.

Қазақстан Президенті сыбайлас жемқорлыққа қарсы күрес еліміздің стратегиялық дамуының негізгі басымдықтарының бірі екенін айтты. Бұл бағытта бірқатар маңызды міндет атқарылған, атап айтқанда, Қазақстан халықаралық ГРЕКО ұйымына мүше болды, қарамағындағы қызметкердің сыбайлас жемқорлыққа қатысы анықталған жағдайда оның басшысының қызметінен босатылуы заңмен бекітілді, сыбайлас жемқорлық тәуекелдерін заңнамамен сараптау жұмыстары күшейтілді.

«Сыбайлас жемқорлықтың себебі мен шарттарын жоймай онымен күресу, бұл – жел диірменмен алысу. Халық әлдебір шенеуніктің немесе басшының жай жауапкершілікке тартылғанын көріп қана қоймай, ол жұмыс істеген мемлекеттік мекемеде енді мұндай жағдайдың қайталанбайтынын дәлелдейтін түбегейлі өзгерістердің орын алғанына куә болуы керек. Әзірге мен мұндай кешенді және түбегейлі жұмысты көріп отырған жоқпын. Шенеуніктер шеңбер жасап, бірінен кейін бірі ауысып жатыр. Ал жүйелі проблемалар шешілмеген күйі тұр», деді Қасым-Жомарт Тоқаев сыбайлас жемқорлыққа қарсы күрес мәселелері жөнінде кеңесте сөйлеген сөзінде.

Сонымен қатар сыбайлас жемқорлықпен пәрменді күресу үшін халықтың құқықтық сауатсыздығын жоятын, құқықты түсіндіру жұмысының деңгейі мен сапасын арттыру керектігінің маңызы зор. Халық өз құқығын, өздеріне қарсы қандай да бір құқыққа қайшы іс-әрекет жасалған жағдайда қандай іс-қимыл қолдану керектігінің нақты жолдарын толық білулері қажет. Конституциялық тәртіпті қорғау, сыбайлас жемқорлықпен күрес аясында тиімді, бірыңғай жалпы мемлекеттік саясат жүргізу, мемлекет пен азаматтардың өмір сүруінің барлық салаларында сыбайлас жемқорлық пен оның көріністері деңгейін төмендету, қоғамның мемлекетке және оның институттарына сенімін нығайту бүгінгі күндегі басты мақсат болып отыр. Осы мақсаттағы жұмыстарды жүйелі жүргізуге тағы бір серпін ретінде «Қазақстан Республикасында қылмысқа және сыбайлас жемқорлыққа қарсы күресті күшейту және құқық қорғау қызметін одан әрі жетілдіру жөніндегі қосымша шаралар туралы» Қазақстан Республикасы Президентінің Жарлығы қолданысқа енгізілген. Бұл Жарлық еліміздегі құқық қорғау органдары қызметтерін жетілдіруге бағыттала отырып, сыбайлас жемқорлыққа қарсы әрекеттермен олардың пайда болуының алдын-алуда жүйелі, әрі тұрақты шаралар атқаруды қамтамасыз етеді. Сыбайлас жемқорлық тек құқық бұзушылық емес. Бұл мемлекеттің тиімділігіне деген сенімді төмендетеді

және ұлттық қауіпсіздікке тікелей қатер төндіреді. Сондықтан мемлекет пен қоғам сыбайлас жемқорлыққа қарсы бірігіп, әрекет етуі керек.

Төраға:

"Тараз" КФК-ің

спорт жөніндегі директор



Г.Е.Қазбеков


Хатшы:

Әдіскер методист



И. Д.Сайлаубаева

**Кадр ісі жөніндегі
инспекторы**



К.Т.Накипбекова

**Қауіпсіздік бойынша
инспекторы**



С.С.Кенжебаев

**Жанкүйерлермен жұмыс
бойынша менеджер**



О.Б.Абдалиев

КФК-ің менеджер



М.Тасжуреков